

«É un orgullo poder presumir do mellor viño do mundo»

Sober presenta no canón do Sil a edición número 38 da Feira do Viño de Amandi

CARLOS CORTÉS
MONFORTE / LA VOZ


O Concello de Sober presentou onte desde o alto do canón do Sil o cartel que anunciará a edición número 38 da Feira do Viño de Amandi, que se celebrará na fin de semana do 24 e o 25 de marzo. O certame reunirá esta vez a 23 adegueiros do municipio, será pregoado pola gaiteira Cristina Pato e estará dedicado ao municipio da Pobra do Brollón.

O lugar elixido para a presentación oficial do cartel, e de paso tamén da programación oficial da feira e do Mes de Amandi, foi esta vez o miradoiro de Cadeiras. Rodeado por representantes das adegas participantes, polo depu-

tada Raquel Arias e pola autora do cartel, Ana Santiso, o alcalde Luis Fernández Guitián mencionou aos adegueiros e colleiteras do municipio como os que fan posible a feira co seu traballo «nas viñas e adegas elaborando un produto único e excepcional que trunfa en competencia cos mellores viños do mundo».

Guitián dixo estar contento como alcalde de «poder presumir, un ano máis, e van 38, do mellor viño do mundo, da mellor alfarriña do mundo, do mellor territorio do mundo e todo grazas a que ten como veciños a mellor xente do mundo, que se esforza para recibir durante todo o ano e de forma especial o sábado e domingo de Ramos a milleiros de visitantes».

A programación da Feira do Viño inclúe a apertura oficial ás doce do mediodía do día 24, con protagonismo esta vez para a Adega Guímaro, en lembranza da súa matriarca, Concepción Pérez Marcos. Á oito da tarde, Cristi-



Alcalde, adegueiros e autora do cartel presentaron a feira no miradoiro de Cadeiras. ROI FERNÁNDEZ

na Pato dará un concerto no auditorio do Centro Sociocultural de Sober. E ás once e media de noite empezará una actuación de GinTon's na praza do Concello.

En canto ao domingo, Cristina Pato dará o pregón á unha de tarde e media hora despois será a entrega de premios aos mellores viños.

Como é habitual desde hai anos, o Concello de Sober pre-

para o terreo para a feira coas actividades encadradas baixo a denominación de Mes do Amandi.

A primeira será este luns e desenvolverase na aula municipal de novas tecnoloxías, cun obradoiro ideado para recomplir material gráfico e escrito sobre a Feira do Viño de Amandi desde o seu nacemento en 1981.

A programación do Mes do Amandi inclúe tamén citas coa

música, como o concerto do cuarteto de saxofóns Kebiyart o día 10; coa divulgación cultura, como a presentación do libro de poesía *Entre zocas e decibelios*, do autor de Barantes Ramón Sandoval; ou a divulgación didáctica, como a actividade de análise sensorial para rapaces de quinto e sexto de Primaria que se celebra o día 12 no colexio Virxe do Carme.

el software
punto de venta
por sólo **29€**
MES
IVA NO INCLUIDO

PARA TODO TIPO DE NEGOCIOS:
Comercios, Hostelería, Peluquerías,
Centros de Estética...

Punto de venta de fácil uso

Multinegocio y multiterminal

Funciona con o sin internet

Actualizaciones gratuitas

Almacenamiento seguro

Vega GESTIÓN

982 109 441

www.vegagestion.es
vegagestion@vegagestion.es

HIPPOS cloud